

蠡縣志卷之十

寺觀志

寺觀之崇儒者所深斥然琳宇梵宮雖徧天下而
緇流羽士終與吾儒有貴賤之分釋老之教不攻
自熄固不待吹其書而廬其居也古刹所留依舊
志存之

清陽觀

在縣治東北隋世祖年知縣張大用創建

東嶽廟

在縣治東北

真武廟

有三一在北城上宣德六年知縣耿玉重修一在南城上銅像嘉靖十二年邑民宋昂韓琦重修一在北關東街

寶甯寺

在縣署西元至元二年修明洪武十七年僧月山建獅子殿僧道興重修增鑄鐵菩薩一尊端坐金獅奔騰咆哮之狀最爲奇觀古塔一座高百尺成化九年僧明源致仕典史辛昂重修

明兵備道錢公有記云謁大佛於常山可謂梵宇

之奇觀矣而寶甯鐵佛踞獅子坐瑰瑋巨麗與百
尺之浮圖相望笑兀疑神造崢嶸似鬼工予目所
未經也夫金色一丈白毫五尺映翠影於靈鷲峯
頭倒竿剎於青蓮座上卽披毛戴角者豈靳坐象
騎獅哉今無邊之孽積成魍狒予萃蠡邑之童子
而饘粥於是者五閱月矣每瞻禮法相未嘗不乞
普慈而利物也因附紀於此云

邑貢士王肖宗有詩云給孤檐下哺干嬰詫見奇
形接太清頭顱摩蕩崑崙頂殿閣平於舍衛城東
瞻泰嶽浮雲拱西望瑤池紫霧縈法演如如得三

味巨靈丞永護神京前縣耿文岱有記云寶甯一
寺年遠多圯僧明善暨其徒實舟先後募化修葺
增新羣楹列峙極翬飛鳥革之觀千櫨浮跂備騰
蛟起鳳之致金碧輝耀丹鉛紛紜開祇園之勝地
現化城之大工重修天王殿三楹東西山門二座
門內東西鐘鼓樓兩座中二進文殊殿七楹中三
進釋迦殿七楹東西伽藍殿各二楹中四進方丈
五楹西廂鍾板堂五楹東偏雨花精舍三楹南香
積厨三楹鼓樓北僧官住持一區正西三昧堂三
楹北傳鏡所三楹南香積厨三楹門房三楹

觀音閣

在縣治東銅像高二丈許閣制崢嶸被災宏治十八年道士王世隆王世昌杜儒創建道光三年知縣高應元重修

觀音堂

有三一在縣署西南一在縣署西北一在南壇下

三官廟

有二一在玉帝廟內一在北關西街

龍母廟

有三一在北城上一在南壇內一在北關迎恩亭

右

三義廟

在縣署西北

三教堂

在縣署西北角廢

五道廟

有五其二在北城門內東西一在縣署東北角一

在北關北首一在南關西街

太公廟在南關外東岔口西向在縣署前西路口東

向凶荒荐臻盜賊蜂起前縣祖建廟占其不祥移

建城外歲稍豐盜漸息

青龍觀

興龍寺

前縣祖建明有記云興龍何爲而名也蠡東南隅
有一古寺佛像森然廟貌峻跂前有高城下多盤
水余於建奎星閣時詢其廟宇人應以寄骨寺余
聞之憮然夫枯骨遺骸豈無義塚澤園而棲佛之
宇容寄此與今奎星高映益著文明想寺亦隆隆
有起色兼以池水潛龍豈不相得而益躍耶余更
其寺爲興龍寺

前縣趙旭有記云風水之說儒者所弗道然青烏
牛眠之術往往見於史書蓋亦未可盡廢也蠡治
昔避蠡吾侯藩邸文廟隍廟縣署以及梵寺浮圖
盡在西偏虎煞太勝而龍脈不足以振之其在堪
輿爲右實左虛剋而無制之象宜使龍昂虎伏庶
不致木被金傷先是東隅舊有青龍觀與龍寺頽
圯殆盡而寺中又徧厝朽樞益敗生氣以致虎煞
愈勝夫西金氣也於國主兵於邑主盜蠡前年寇
苻不靖多由於此余先將寺內之寄樞擇地瘞埋
去其陰掩之氣次重修殿宇高築垣牆併文昌閣

青龍觀俱重建而高聳焉更於東南巽位補葺奎
樓壯麗堅固而與蘭若尖峯相峙映數科來登賢
書者聯翩題鴈塔者獨步亦且刀犢交市漸返醕
風余敢謂地靈人傑哉抑欲蠡之人勉勉焉振興
奮發爲人傑地靈之驗耳

漢霍光廟

在縣城北二里許碑見藝文志

三皇廟

在北關東街

彌陀寺

在中委永樂五年建宣德二年民張士中谷子成
重修正德十六年民李尙德谷謙張山重修

尙清涼寺

在大宋臺踞地一十六畝至元年間僧普勝自五
臺山來時旱甚勝祈雨救度誓以七日不再焚身
以謝大衆甫三日大雨翻盆平地三尺四民大悅
各捐資財於臺頂建佛殿三楹額以清涼禪堂僧
舍具備勝焚修數年佛聲不絕至元二十九年二
月念七日不食者浹旬有餘含香而化異光注射
自後臺漸荒蕪正德十年僧明保自伏牛山來嘆

曰此勝地也止靜三年不食不飲悠然長逝萬曆
二十九年僧如習杖錫至此見其勝概請貯三藏
全函朝夕諷誦崇正元年律僧如通因於此閉關
簡閱者十年知縣周之基有詩云臺高杳無蹟相
傳來翰林寺荒檀越少僧慧洞天深雅欲逃禪理
難忘學道心步來詢故老脈脈誦秋霖

清涼寺

在大宋村至正元年僧劉明曇重修永樂二年民
張普亨重修

彌陀寺

在王村大定五年僧訓聰孫真史景建成化十年
僧圓秀民黃四等修正德十六年僧悟澄民王清
等重修

隆興寺

在劉陀村至正元年僧八山重建民姜甫林修成
化五年僧行成重修

觀音寺

在莊頭村景泰四年民楊貴修嘉靖五年民楊恕
僧果順重修

興福寺

在東柳新莊至正元年僧昭質修天順元年僧戒慶民何海等重修

觀音寺

在八里莊至正元年僧祖欒民張從正修宏治六年僧道祥民賈俊張瑾重修

毘盧寺

在高晁村嘉佑七年僧行泰創建成化十年修

大悲寺

在鄭村開皇六年建永樂三年僧周真衍修成化六年范和尚重修宏治五年僧本林民周榮董著

重修

崇興寺

在劉家疇村大唐民孔鳳鳴建宣德九年僧道廣
重修嘉靖十三年僧德廣修

觀音寺

在南莊村至正二年建天順六年民郭通僧圓宣
重修宏治十四年僧廣全重修嘉靖二年民李儀
杜郁僧德隆重修

興善寺

在道西村至正元年僧道滿民黃普顯建永樂二

年僧福先重修

觀音寺

在劉氏村洪武七年民王見建宏治十七年僧昭
義重修

養安寺

在林里村至正十五年建正統元年僧思本修成
化十二年僧成山定緣重修

崇興寺

在南齊村天祐二年僧洪郎建正德十四年僧定
月民葛元秀重修

廣甯寺

在馮家莊村永樂四年民趙思名建宏治十年民
崔表僧悟省重修

洪山寺

在店上村宣德五年劉三僧文福建正德十六年
民馬現重修

石佛寺

在七器村宣德三年僧戒甯民王四建宏治十八
年民王恭美僧定真重修

福甯寺

在鮑墟村洪武元年僧覺澄宣德元年民邸福成
黃思孝重修天順六年僧真壽真曇民李海齊整
重修宏治十年民齊廣太監張宣重修嘉靖四年
太監李亨黃永民李楫等重修

彌陀寺

在張齊村至正二年僧如讚民王祥建宏治六年
僧圓恕民檀友才李奉重修

資勝寺

在褚家村天順三年僧圓澤民朱景祥建成化七
年僧明還民朱果重修

彌陀寺

在孟嘗村宣德三年民田文劉得全呂剛建宏治十二年知縣蕭鵬重修

興國寺

在陳村天順六年河間衛都指揮吳英知縣毛紀縣丞唐廸陳昌主簿周勉典史閻寬都司趙宣建

崇興寺

在宋家莊大元二年僧青玉建景泰三年僧道朗民田山鄉重修正德十二年僧圓智民繩山田亮

李勝繩佑重修

興隆寺

在南王村景泰元年民姚讓姚亮建正德十六年
司禮監官張遜等重修

石佛寺

在西河村洪武年間民王彬建成化二十一年僧
明宗重修宏治十六年民王景智重修

天甯寺

在胡村至正十年僧如泰建成化十二年錦衣衛
指揮栢玘修正德十四年民孫景指揮栢權重修

興隆寺

在東和村至正元年民米大友僧大慶建成化間
民李文達修正德十五年李文達重修

釋迦寺

在新興村正統四年僧銘珎王彬梁善建

龍泉寺

在南宗村洪武二十七年僧洪能建

興國寺

在北宗村元符元年建崇甯三年民趙貴重修永
樂二年民靳友僧清達重修宏治十六年僧通悟
民劉釗重修

彌陀寺

在大百尺大定四年建天順六年僧明鑑重修

石佛寺

在南計河村大定三年僧真成民劉廷玉建成化
五年僧善喜民田宗重修

大覺寺

在荆邱村洪武三年民李云創正德元年侍郎馮
蘭五年給事中田荆修

清涼寺

在大陳村至正元年僧悟道民劉世林張自立建

成化十一年僧悟準民劉智劉見重修

福壽寺

在張村至正三年僧道王建永樂八年僧真廣民
展甫林劉海重修成化二十年僧覺讓民李貴李
寬重修萬曆十六年僧洪江太監崔福民展東山
移建

彌陀寺

在小陳村泰和七年僧宗慈建洪武六年僧悟專
王民張世臣重修正德六年僧道遠司禮監太監
王律張宣承奉郝永山等重修

永常寺

在閭莊村至正二年僧戒允建正統十四年僧道成民繩士新願能重修正德十二年僧宗安民韓貫修

大安寺

在窩鋪村宏治二年僧青英民朱海建正德元年丁鳳重修

興國寺

在潘營村天順元年民趙文玉建成化三年民郝剛重修宏治七年僧明賢修

觀音寺

在桑園村正統二年僧宗寬民張著建嘉靖五年僧成海致仕官李磐重修

古佛寺

在西楊家莊大定十一年僧德獲民蔡甫春重修
成化十八年僧文堅民李朝重修宏治十六年僧
成通民王良重修

觀音寺

在東楊家莊天順三年僧了淮民田旺重修成化
十一年僧道才民韓本修

寶錄寺

在萬窩村至正元年民郝忠重修成化十年民楊全重修宏治十年民曹勝修

觀音寺

在北蒲凹村景德三年建永樂十年僧圓慶民杜玘王賢重修宏治十五年僧定英守備杜雄重修

玉泉寺

在北于八村至正元年民陳曾創建嘉靖十三年僧道勝民陳澤重修

興國寺

在北郭丹村至正二年太監石良僧清讓創建嘉
靖十二年僧圓聰民張濟民重修

福興寺

在南許村永樂三年民馬榮僧道省重修成化二
年僧真鏡民田甫成重修正德九年僧德禮吉安
民楊倫重修

報恩寺

在興仁村洪武元年僧曾玉建永樂三年僧圓喜
重建宣德四年民張士先重修天順五年僧明旺
重修

壽聖寺

在新橋村至正元年僧文興建宣德年重修

洪元寺

在白樓村景德年間民李見建宏治元年重修

甯海寺

在李家佐天順六年僧本進民李訪田付重修正

德六年民施秀榮端榮正重修

鎮海寺

在南沙口村至正元年民李圻李佑重修宣德四年僧靜廣重修正德九年僧福衆重修

廣濟寺

在東緒口村至正三年僧江譚重修洪武十年千
戶王子剛重修成化十八年僧明元重修

觀音寺

在北沙口村正統元年僧明山民孟士原建宏治
九年民孫成重修

光輝寺

在南郭丹村至正二年民李敬新僧圓保健宏治
十六年僧圓安民王信重修

禪國寺

在南趙堡村至正一二年建正德二年僧洪林民田
俊重修

興隆寺

在北趙堡村至正三年建宏治十三年民王明李
英重修

普敬寺

在東趙堡村至正元年建天順二年民蔣友重修
觀音寺

在榆林屯永樂十年民葉魯修建景泰四年民王
海重修宏治九年僧道深修

洪山寺

在北河村成化二年僧圓杲建民郭旺重修

永壽寺

在泊莊村正統四年建成化三年重修正德四年
二次重修

清仁寺

在堰頭村至正年正統年修

觀音寺

在窩東村大周如意元年天順二年重修宏治七
年重修

崇慶寺

在北張村至正年間建永樂元年僧如通民王俊
盧甫成重修成化二十年僧德玉民李俊重修

龍泉菴

在南蒲凹村宏治十五年民劉景祥僧定英修

觀音堂

在杜家莊成化六年僧惟文民劉普山重修

三教堂

在武家營宣德二年民侯從業建嘉靖三年民魏

洪重修

古靈山在南蒲窪村道人劉表修築高可累丈方廣
百餘步中爲泰山行宮左右配殿各一楹後爲玉
皇閣三楹前爲山門砌壓雲根檻齊木末山南對
峙爲白衣閣層楹刻角靈椽飛甍左右樓閣各三
十六楹大門南向樓閣三楹複道四通達於山巔
翠栢數行茂蔭扶疎丹雘輝煌碧瓦琉璃玲瓏綺
構無風自響池南數武建大悲閣突兀奇特礙日
摩天前建戲樓樓南石坊巍然靈鷲鈔範煥乎天
竺福林每際重陽商賈貿易輻輳雲集

仙釋志

舊志謂祛練薰修亦儒教之一助使真有蠲除邪累大暢宗風者吾何嗤乎二氏之徒蓋以彼具獨覺之知探無極之理能力持於知誘物化之交不可謂非堅苦之卓行也若飛仙之技逞其劍術則外史氏不敢知矣

王野字質之胡村人相有仙風道骨弱冠時嘗與道士遊飲食之一日牛放不歸野往求之紫薇山前見二叟對奕從旁觀之局未終奕叟謂之曰王子得無饑乎出其半桃飼之隨立以終局不覺腰間

斧頭墜地視其柯已灰燼矣是晚叟延之洞中住七日而思家同時族里墳墓俱非其景人謂之曰聞先世有王野尋牛故事今閱幾世代已里謠曰王野去尋牛一去不回頭野續之曰洞中方七日世上已千秋里人延之數日辭去不知其所終云田志亨蠡吾人性仁孝父母亡負土築墓高可五仞用石鑿曾祖考妣像晨夕禮事一日捨妻子爲黃冠師李先生學老子法道業寔高復從雞水厯唐縣卜磨巖而居焉止息於栢下礮石日乞食村落暮宿於石所夜有猿猱蛇虎魑魅魍魎張吻切齒

而來者亨視之若無隨亦俛首而去邑人異之相
與鳩材構屋戶外之屨常滿以不到唐巖爲恨年
八十風骨強健猶若壯童其物外之術秘而不言
通真子則亨之別號也

李道士蠡吾人尙書勉之後幼棄家訪道不常厥居
嘉靖改元年踰百歲鬚髮若漆步履強壯

李良熟張家莊人善方術見一賣薑者市之語言不
合而去後復有人買薑其擔已空賣薑者長跽謝
過因謂之曰汝薑在某廟隅可自取之比至其所
則一片不少也又聞遊妓家執小妓兩手曰合眼

而小妓已不見矣老妓爲請曰不妨在某隅至則
端然閉目立也蓋得左慈搬運之術者後不知所
終

張應宿庠生城南梁賈莊人孝廉上林之子也幼有
奇才讀書一見能解後得仙傳善符呪城內夜有
鬼剪草爲劍形擲之插城隅荒塚上人拔之有血
痕鬼遂絕交一異人異人來必與談半日踪跡詭
秘人難窺測一日具衣冠拜母曰兒不能事母矣
言訖遂死母哭之有王求者過其門聞哭聲問之
母以告曰吾適自城中來遇應宿出北門問所往

笑而不答汝子成仙去矣勿慟也越三年所交異
人齋應宿親筆書問其母人始信爲仙去云